

Bosna i Hercegovina  
Federacija Bosne i Hercegovine  
**KANTON SARAJEVO**  
Ministarstvo saobraćaja



Босна и Херцеговина  
Федерација Босне и Херцеговине  
**КАНТОН САРАЈЕВО**  
Министарство саобраћаја

Bosnia and Herzegovina  
Federation of Bosnia and Herzegovina

**CANTON SARAJEVO**  
Ministry of Traffic

Broj: 04-27- 14464 KZ

Sarajevo, 11.10. 2018. god.

Ministarstvo saobraćaja Kantona Sarajevo, rješavajući po zahtjevu "SARAJEVOPUTEVI d.d. iz Sarajeva za privremenu izmjenu režima saobraćaja u ulici Trebevička od spoja sa putem R446 do spoja sa primarnom saobraćajnicom ulice Trebevička, radi izvođenja radova na sanaciji istoimene ulice, na osnovu osnovu člana 52. stav 1. Zakona o uređenju saobraćaja na području Kantona Sarajevo ("Sl. novine Kantona Sarajevo", broj 30/17) i člana 200. Zakona o upravnom postupku ("Sl. novine Federacije BiH", br. 2/98, 48/99) donosi:

### RJEŠENJE

- Odobrava se "SARAJEVOPUTEVI- ma" d.d. iz Sarajeva, privremena izmjena režima saobraćaja u ulici Trebevička od spoja sa putem R442 do spoja sa primarnom saobraćajnicom ulice Trebevička u periodu od 12.10.2018 godine do 27.10.2018 godine u vremenu od 07:30 do 16:30 sati, radi izvođenja radova na sanaciji istoimene ulice
- Privremena izmjena režima saobraćaja se sastoji od:
  - zabrane saobraćaja za vozila, osim vozila pravnih i fizičkih lica sa prebivalištem/ boravištem u ulici izvođenja radova, vozila izvođača radova i vozila iz člana 125. i 126. Zakona o osnovama sigurnosti saobraćaja na putevima u BiH sa usmjeravanjem prema alternativnim pravcima, kao i obustave pješackog saobraćaja na dijelu izvođenja radova uz obavezu preusmjeravanja na bezbjedne pješacke površine.
  - vršiti propuštanja vozila pravnih i fizičkih lica sa prebivalištem/ boravištem u ulici izvođenja radova
  - za vrijeme privremene izmjene režima saobraćaja alternativni pravci:  
- R446a -put Mladih Muslimana -Derviša Numića - Trebevička- Hambina carina i obratno
- Za vrijeme izvođenja radova, izvođač je dužan postaviti saobraćajnu signalizaciju i opremu u skladu sa dostavljenim Elaboratom privremene regulacije saobraćaja za vrijeme izvođenja radova uz dopunu sljedećeg
  - na putu R446 odnosno raskrsnicama na kojima se vrši preusmjeravanje saobraćaja u alternativne pravce postaviti sljedeću saobraćajnu signalizaciju i opremu: "radova na putu" (I-25), zabrana saobraćaja u oba smjera (II-3) sa dopunskom tablom V-1 koja obilježava "udaljenost između znaka uz koji je postavljena i početka dijela ceste na koji se zabrana saobraćaja odnosi" i znak "slijepa cesta" (III-10);
  - na regionalnom putu R446a odnosno na propisanoj udaljenosti od raskrsnica na kojima se vrši preusmjeravanje saobraćaja u alternativne pravce postaviti saobraćajni znak "radovi na putu" (I-25) „predznak za obilazak“ ( III-111), kojom se obilježava pravac i smjer obilaska odnosno preusmjerenja saobraćaja;



web: <http://ms.ks.gov.ba>  
e-mail: [ms@ms.ks.gov.ba](mailto:ms@ms.ks.gov.ba)  
Tel: + 387 (0) 33 562-058, + 387 (0) 33 562-059  
Sarajevo, Reisa Džemaludina Čauševića 1



- duž trase prousmjerenja na svim skretanjima izvršiti postavljanje znaka "cestokaz obilaska" (III-112) koji označava smjer privremenog obilaska odnosno preusmjerenja saobraćaja.
- na pomenutom lokalitetu, gdje je odobrena privremena izmjena režima saobraćaja, saobraćajnu signalizaciju koja je u suprotnosti sa privremenom izmjenom režima prekriti neprovidnom folijom.

4. Izvođač radova "SARAJEVOPUTEVI d.d. iz Sarajeva je dužan:

- osigurati nesmetan prolaz pješaka i njihovu zaštitu;
- izmjenu režima saobraćaja provesti u saradnji sa nadležnim MUP-om Kantona Sarajevo;
- uz rješenje imati elaborat privremene saobraćajne signalizacije i opreme;
- o novonastaloj situaciji obavjestiti stanare kao i pravna sa sjedištem u ulicama privremeno izmjenjenog režima saobraćaja;
- izvođač radova je obavezan postaviti propisane znakove kako je definisano ovim Rješenjem;
- znakovi se postavljaju na horizontalne branike koji moraju biti obojeni naizmjenično crvenom i bijelom bojom, snabdjeveni refleksnim staklima ili prevučeni reflektujućom folijom, a noću kao i danju u slučaju smanjene vidljivosti, na njima moraju biti postavljena i treptuća svjetla narandžaste boje;
- izvršiti prekrivanje ili demontažu stalne saobraćajne signalizacije koja je u suprotnosti sa privremeno uspostavljenim režimom iz tačke 1.
- istekom razloga za privremenu izmjenu režima saobraćaja, a najkasnije do navedenog roka, izvođač radova je dužan ukloniti saobraćajnu signalizaciju za uspostavu privremene izmjene režima saobraćaja te uspostaviti saobraćajnu signalizaciju koja je bila prije privremene izmjene režima saobraćaja, ukloniti višak materijala sa kolovoza, trotoara ili bankina te dovesti saobraćajnicu u prethodno stanje;
- u slučaju neispunjavanja uslova naloženih Rješenjem, isto je nevažeće.

### Obrazloženje

"SARAJEVOPUTEVI d.d. iz Sarajeva, podnijeli su zahtjev broj: 04-27- 14464 od 09.10.2018 god. Ministarstvu saobraćaja, za privremenu izmjenu režima saobraćaja u ulici Trebevička od spoja sa putem R442 do spoja sa primarnom saobraćajnicom ulice Trebevička u periodu od 12.10.2018 godine do 27.10.2018 godine u vremenu od 07:30 do 16:30 sati, radi izvođenja radova na sanaciji istoimene ulice. Uz zahtjev dostavljeno: kopija ugovora o izvođenju radova, kopija građevinske dozvole, situacioni prikaz dionice izvođenja radova, Elaborat privremene saobraćajne signalizacije i opreme u toku izvođenja radova

Razmatrajući predmetni zahtjev, te primjenjujući odredbe člana 52. stav 1. Zakona o uređenju saobraćaja na području Kantona Sarajevo ("Sl. novine Kantona Sarajevo", broj 30/17) ocijenjeno je da su ispunjeni uslovi za izdavanje traženog odobrenja, te je odlučeno kao u dispozitivu rješenja.



web: <http://ms.ks.gov.ba>  
 e-mail: [ms@ms.ks.gov.ba](mailto:ms@ms.ks.gov.ba)  
 Tel: + 387 (0) 33 562-058, + 387 (0) 33 562-059  
 Sarajevo, Reisa Džemaludina Čauševića 1



**Pouka o pravnom lijeku:**

Protiv ovog rješenja može se izjaviti žalba vladi Kantona Sarajevo u roku od 15 dana od dana prijema rješenja.

Žalba se predaje putem ovog ministarstva ili poštom, taksirana sa 6,00 KM takse, u skladu sa odredbama člana 19. tarifni broj 3 Zakona o administrativnim taksama ("Sl.novine Kantona Sarajevo", broj 30/01- Prečišćen tekst).

Dostaviti:

- SARAJEVOPUTEVI d.d. Sarajevo  
Ul. Mustajbega Fadilpašića 17., fax: 667 500
- MUP-Kantona Sarajevo
- KJKP GRAS
- Web
- Kantonalna uprava za inspeksijske poslove  
inspektor za ceste
- BIHAMK
- Evidencija
- Arhiva

**MINISTAR**

**Mujo Fišo**


web: <http://ms.ks.gov.ba>  
 e-mail: [ms@ms.ks.gov.ba](mailto:ms@ms.ks.gov.ba)  
 Tel: + 387 (0) 33 562-058, + 387 (0) 33 562-059  
 Sarajevo, Reisa Džemaludina Čauševića 1

